

**Siunnersuut uunga: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allanngineq pillugu Inatsisartut inatsisaat nr. xx , xx xx 2012-imeersoq.**

**(naatsorsuutit pillugit aalajangersakkanik erseqqissaat il.il.)**

(Ilinniartitaanermut, Iisimatusarnermut, Nunanullu Avannarlernut suleqateqarnermut Naalakkersuisoq)

**Akissuteqaat**

(Ilinniartitaanermut, Iisimatusarnermut, Nunanullu Avannarlernut suleqateqarnermut Naalakkersuisoq)

**Aappassaanerinninneq**

Naalakkersuisut iluarisimaarlugu paasivaat Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliap siunnersuut isumaqatigiillutik akuerineqarnissaa inassuteqaatigigaa.

Naalakkersuisut tamanna pillugu ataatsimiititaliap oqaaseqaataa uppersassavaat siunnersuummi Kalaallit Nunaanni sungiusaammik suliffissanik Danmarkip avataani nunani allani inuussutissarsiutinut ilinniartitaanermut ilaasuni sungiusaammik suliffissanik akuersisarnermik aamma ammaassisoqartoq.

Soorlu aamma isumaliutissiissummi takuneqarsinnaasoq allannguutissatut siunnersuummik aappassaaneerinninnissamut Naalakkersuisut siunnersuuteqarput, tassanilu siunertaavoq inatsisissasut siunnersuummi kalaallisuaata qallunaatuatalu assigiinngissutaat siunnersuutip siullermeerneqarnerani uparuarneqartup iluarsineqarnissaa.

Naalakkersuisut taamatut oqaaseqaateqarlutik siunnersuutip aappassaaneerinninnermi allannguutit ilanngullugit inaarutaasumik akuerineqarnissaa siunertaralugu pingajussaanneerineqarnissaa inassuteqaatigaat.